

金史紀事本末

金史紀事本末凡例

地封資政大夫 特賞內閣中書前江西峽江訓導萍鄉李有棠編纂
一金史敘事詳核用筆謹嚴說者謂本劉祁歸潛志
元好問壬辰雜編以成書故稱良史然累朝實錄
在順天張萬戶家本紀實據以撰述太宗天會六
年命完顏勗等掌國史始綜始祖以下十帝爲三
卷皇統八年勗等又進太祖實錄二十卷大定中
修睿宗實錄惟衛紹王被弒記注無存元初王鶚
修金史采當時詔令及楊雲翼等日歷以補之亦
稱確覈至正四年丞相阿魯圖等始勒爲成書凡

金史紀事本末

凡例

一

一百三十五卷於舊史多所增訂祇南渡後事迹多據元劉二書非全恃爲稿本也惟卷帙浩繁參之遼宋元三史及各傳記紀載多歧爰不揣謏陋謹編金史紀事本末一書縷晰條分俱本正史其或事有同異詞有詳略兼倣裴世期補注三國志及胡身之注通鑑取溫公所著攷異三十卷散入各條例小注雙行分載每條之下名曰攷異以便流覽而資參證

一太祖自珠赫店之捷卽於次年建號稱帝紀元收國凡二年又改元天輔遼史於天慶五年未載其

事至七年乃載太祖用楊朴策卽位改元則收國二年俱付闕如金史於太祖建國兩次改元紀載甚明且謂爲烏奇邁等所請并無楊朴定策之事至遼史所載楊朴勸太祖議和求封金史亦未之載列傳且無楊朴其人今撰金史紀事本末參校二史附見之攷異中以免疎漏

一遼天祚帝幸混同江遇頭魚宴太祖不肯起舞欲殺之嗣因事送咸州詳袞司問狀及下詔親征太祖慟哭欲自殺以激衆怒遼復遣使冊爲東懷國皇帝遼史所載甚明金史未載他如宗弼順昌之

敗世宗從軍亦曾大挫而本紀未敘李世輔刼執薩里罕而本傳不詳高汝礪黨附高琪傳無貶詞今撰紀事本末博采羣書附載之攷異中以昭核實

一 張邦昌劉豫均受金國冊封其與南宋交涉諸事皆宜詳載攷邦昌本傳未敘僭位稱號事但云至汴勸進及以隱事被誅至豫徙都汴京會兵侵宋及一切苛暴諸政概未詳書他若虛中藥師諸人皆以降附立傳而吳曦叛蜀冊封爲王雖爲時未久亦宜備載今撰紀事本末蒐採傳記於攷異中

續敘源流以昭炯鑒

一金史所紀戰事繁簡最爲得法然敗衄之師多爲國諱如天眷三年金再用兵取江南宗弼趨汴薩里罕趨陝踰月遂奏平定然是時劉錡大捷於順昌岳飛連捷於郾城朱仙鎮及復蔡州潁昌淮寧等處韓世忠三捷於淮陽浹口潭城張俊再捷於永城亳州王德亦捷於宿州而陝西則吳玠捷於扶風石壁砦王彥捷於青溪嶺田晟捷於涇州金史一概未載至皇統元年金紀書四月宗弼請侵宋九月議和罷兵然攷宋史所載邵隆敗金人於

洪門復商南王德敗之於含山克其城及昭關關
師古等敗之於巢縣崔皋敗之於舒城楊沂中劉
錡大破之於柘皋及店步史皆未書且宋史均係
二三月事史稱四月始出師亦不合至興定以後
淮陝用兵金宋本紀互有詳略今撰紀事本末參
訂互稽於攷異中皆補載之以成信史

一金宋交綏國史各侈功績多係鋪張如大定間宿
州之役宋史李顯忠傳則云大破李撒兵嗣因邵
宏淵不協始退軍未嘗言敗也而赫舍哩志寧傳
乃言屢敗其兵彼此互異觀赫舍哩約赫德等傳

敘南侵淮泗功無一敗衄而宋史趙方扈再興孟
宗政趙葵等傳記其擊破金兵均獲大勝紀載各
岐然攷馮璧傳謂約赫德所至宋人皆堅壁不戰
絕無所資故無功而歸胡失門傳所言亦合至武
仙傳謂宋孟珙襲仙於順陽爲仙所敗而宋史孟
珙傳乃言仙屯順陽珙軍扼之退走馬蹬兵敗潛
遁全不相符今撰紀事本末綜覽史傳互證參觀
附見之攷異中以備稽核

一世宗爲一代令主衆正盈朝要以宰輔爲最盛按
宋史紀事本末於眞魏諸賢用罷勒爲一編敘次

最爲詳整今倣其例將一朝賢輔之謀猷爵里用
舍存沒錯綜貫串薈萃成文以資取法

一金史有疎漏處如衛紹王紀大安二年九月京師
戒嚴蓋因蒙古兵逼然上文未載蒙古起兵之事
直至大安三年四月始書元太祖東征今參攷元
史附載源流使知緣起至宣宗卽位乃圖克坦鑑
勸胡沙胡迎立而紹宣二紀均不載韓常爲宗弼
愛將無役不從戰功最著後并繪像衍慶宮而竟
無專傳烏陵思謀爲宗翰宗弼謀主卽烏凌噶色
埒美也亦未立傳北遼魏王之立改元建福蕭氏

稱制建號德興而金史但稱自立於燕建元德興合二人爲一事遼史載左企弓四人降金被殺而金史企弓傳云爲張覺所殺他三人傳皆令終且卒皆稱遼官尤覺無據今均於攷異中彙辨之

一金國之郡縣分合山川隸屬及關津堡寨之建置與諸史有不相符者今皆據國史地理志爲主而參之各史傳記及方輿紀要通鑑輯覽等書分注詳晰以歸畫一

一金史臣工名姓與宋史多不相符如窩幹叛黨瓜里扎巴降宋李世輔用其謀攻取靈壁而宋史顯

忠傳則謂初約蕭琦琦背約擊敗之取靈壁惟張子蓋傳有招降蕭鷗巴事官忠州團練使或係扎巴金志亦作蕭鷗巴及耶律适里而顯忠傳又無鷗巴其人虹縣叛將爲都統奚托卜嘉而宋史孝宗紀則謂爲蒲察徒穆大周仁後蕭琦亦降於顯忠時金帥爲布薩忠義方駐汴而統兵乃志寧宋史謂宿州帥爲李撒或因布薩舊作僕散以此致訛世忠傳兀朮扼於黃天蕩撻辣在濰州遣李堇太一來援宗弼傳則謂爲移喇古他若世忠傳之聶兒李堇牙合李堇訛里也岳飛傳之拓跋邪烏

粘罕索孛堇劉合孛堇龍虎大王夏金吾吳玠傳
之沒立烏魯折合吳璘傳之鶻眼郎君胡蓋習不
祝完顏悉列王德傳之萬戶盧孛秦檜傳之室撚
魏勝傳之蒙恬鎮國五斤太師楊再興傳之萬戶
撒八孛堇畢再遇傳之完顏蒲辣都趙方傳之駙
馬阿海樞密完顏小驢監軍合答孟珙傳之溫端
兀陵達攷之金史并無其人大都以訛傳訛不必
相合今編紀事本末於名氏之互岐者詳爲攷核
用昭異同伏讀

國朝重訂金史悉遵國語解用三合音改正而

御批通鑑輯覽亦將蒙古源流諸書互相考證多加
譯改今謹遵新譯仍注舊作某字於其下以便省
覽

一金史忠義列傳於中外殉節諸臣詳加採摭著其
事實洵足以表彰毅烈今撰紀事本末因篇幅所
限不得不刪繁就簡謹遵通鑑輯覽所編勝朝殉
難諸臣例將官爵姓名大書特書而附載事迹始
末於其下庶文省事增足備考獻徵文之助非創
例也其他義例有與遼史紀事本末同者不復贅
金史紀事本末凡例

金史紀事本末目錄

卷首

考一

表一

卷一

帝基肇造

卷二

太祖建國

卷三

克遼諸路

卷四

燕京棄取

張覺

郭藥師附

卷五

太宗滅遼

遼主被俘後事

伊都附

卷六

太宗克汴

卷七

宋帝北遷

和議附

卷八

張邦昌之僭

卷九

攻取中原

卷十

南侵江浙

卷十一

規取隴蜀

卷十二

劉豫之立

卷十三

征撫西夏

卷十四

高麗賓服

卷十五

宗翰軍謀希尹事附

卷十六

宗望戰事宗輔事附

卷十七

會音宗幹輔政韓企先事附

卷十八

熙宗刑政得失

卷十九

達蘭構亂

卷二十

宗弼兵略

卷二十一

田穀之獄

卷二十二

秉德唐古辯謀逆

烏達等附

卷二十三

海陵淫暴

卷三十四

太宗子孫之戮

蕭玉事附

卷三十五

蕭裕亂政

卷三十六

契丹諸部之叛

薩巴

蕭幹翠

德壽

卷三十七

海陵南侵

卷三十八

李通姦倭

張仲珂

梁琬附

卷二十九

完顏元宜之變

卷三十

世宗致治

卷三十一

大定初宋人和戰

卷三十二

世宗朝宰輔

卷三十三

河決之患

卷三十四

章宗嗣統

卷三十五

李妃干政

胥持國事附

卷三十六

鎬王鄭王之殺

卷三十七

布薩揆侵宋更盟

卷三十八

衛王遇害

卷三十九

元人克燕

卷四十

宣宗南遷

卷四十一

中原淪陷

卷四十二

羣盜叛服

卷四十三

封建九公

卷四十四

與宋構怨

卷四十五

高琪用事

高汝礪附

卷四十六

哀宗守汴

卷四十七

宋元克蔡

卷四十八

博索悞國

承立附

卷四十九

崔立之變

卷五十

官努之叛

卷五十一

南渡忠諫諸臣

卷五十二

末造殉節諸臣

卷末

引用書目

金史紀事本末

目錄

六

原敘

跋

金史紀事本末目錄

金史紀事本末卷首

紀年表

乙未 丙申 丁酉 戊戌 己亥 庚子 辛丑 壬寅

金熙宗六年 七年 八年 （重和二年） 宣和二年 三年 四年

十一月改重和元年
二月改宣和元年

金廢帝六年 七年 八年 九年 十年 保大元年 二年

金天輔二年 三年 四年 五年 六年

正月金克遼
天祚出奔瀋
立改元建福
六月殂

金史紀事本末

卷首

按史稱太祖按史十二月

正月稱帝國改元天輔

號金建元收上尊號曰大

國聖皇帝

大金國志二大金國志三
大金國志四
大金國志五

輔元年

年

年

年

年

癸卯甲辰乙巳丙午丁未戊申己酉庚戌

宋徽宗崇寧六年七年
欽宗靖康二年
高宗建炎三年四年

四月二帝北

狩康王構

在南京敗

英元年

遼聖宗四年五年

五月天祚于是年西遼大獲史是年二

雅里稱帝改元稱帝改元天祚為金

元神歷十月延慶

橫遼亡

雅里卒

金史卷之六 太宗本紀三年 四年 五年 六年 七年 八年

大金國志六年 大金國志天

年 會二年下同

按史是年八

月太祖崩弟

晟立改元天

會

辛亥 壬子 癸丑 甲寅 乙卯 丙辰 丁巳 戊午

二年 三年 四年 五年 六年 七年 八年

十年 十一年 十二年 十三年 十四年 十五年 天眷元年

按史是年正

月太宗崩景

宣帝子璽立

不改元

齊帝

按史是年九

月立劉豫為

己未 庚申 辛酉 壬戌 癸亥 甲子 乙丑 丙寅

寶龜 十年 十一年 十二年 十三年 十四年 十五年 十六年

熙寧 三年 皇統 元年 二年 三年 四年 五年 六年

丁卯 戊辰 己巳 庚午 辛未 壬申 癸酉 甲戌

皇統 十八年 十九年 二十年 二十一年 二十二年 二十三年 二十四年

熙寧 八年 九年 聖德 三年 四年 貞元 元年 二年

是年十二月
平章亮統帝
自立改是年
為天德元年

是年三月改
元貞元遷都
燕京

乙亥 丙子 丁丑 戊寅 己卯 庚辰 辛巳 壬午

宋理宗二十六年二十七年二十八年二十九年三十年三十二年三十二年

宋理宗二十四年正隆二年三年四年五年六年宋理宗二十四年

庚辰二月改
正隆大金國
志是方改
正隆

是年六月遷
南京九月僂
宋十一月被
弒十月世宗
即位於遼陽
改元大定

六月禪位太
子春

癸未甲申乙酉丙戌丁亥戊子己丑庚寅

宋理宗二十四年乾道二年三年四年五年六年

宋理宗二十四年淳熙四年五年六年七年八年九年十年

金史紀事本末卷之六

辛卯壬辰癸巳甲午乙未丙申丁酉戊戌

崇寧八年九年**宣和**二年三年四年五年

建炎二年三年四年五年十六年十七年十八年

己亥庚子辛丑壬寅癸卯甲辰乙巳丙午

紹興七年八年九年十年十一年十二年十三年

嘉泰二年三年二十四年二十五年二十六年

丁未戊申己酉庚戌辛亥壬子癸丑甲寅

寧宗十五年十六年**嘉泰**二年三年四年五年

十月高宗崩三月禪位太子

子傳

七月禪位太子

子橫

二十八年 二十九年 三十年 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

正月世宗崩
太孫璟即位

改明年為明
昌元年

乙卯 丙辰 丁巳 戊午 己未 庚申 辛酉 壬戌

二年 三年 四年 五年 六年 七年 八年 九年 十年 十一年 十二年 十三年 十四年 十五年 十六年 十七年 十八年 十九年 二十年 二十一年 二十二 二十三年 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

二年 三年 四年 五年 六年 七年 八年 九年 十年 十一年 十二年 十三年 十四年 十五年 十六年 十七年 十八年 十九年 二十年 二十一年 二十二 二十三年 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

十一月改元
承安

十二月改明
年元為泰和

癸亥 甲子 乙丑 丙寅 丁卯 戊辰 己巳 庚午

四年 五年 六年 七年 八年 九年 十年 十一年 十二年 十三年 十四年 十五年 十六年 十七年 十八年 十九年 二十年 二十一年 二十二 二十三年 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

章宗泰和三年

四年

五年

六年

七年

八年

衛紹大安三年

二年

辛未

壬申

癸酉

甲戌

乙亥

丙子

丁丑

戊寅

宋徽宗崇寧五年

六年

七年

八年

九年

十年

十一年

衛紹大安三年

崇寧元年

至寧元年

宣統元年

三年

四年

興定元年

二年

元太祖元年

二年

三年

四年

五年

是年十二月

太祖成吉思

稱帝於斡難

河滅乃繼

十一月帝崩

無嗣弟承濟

立改明年為

大安元年

是春元起兵
與金烏沙堡

正月改崇慶是年八月王四月及元平

大金國志作為呼沙呼試五月遷都於

重慶續綱目九月昇王珣

作崇寧立改元貞祐

元太祖六年七年八年九年十年十一年十二年十三年

八月元克金十月元克金

西京遂入居東京

唐開

五月元克金

燕京

是年四月南侵宋

是年元伐夏

國興州主邊

瑛奔西涼

己卯庚辰辛巳壬午癸未甲申乙酉丙戌

金世宗十三年十四年十五年十六年十七年十八年十九年二十年

閏八月帝崩

沂王于昀立

改明年元為

寶慶

嘉慶三年 四年 五年 元光元年 二年 景宗英宗二年 三年

大金國志興 大金國志元 大金國志元 大金國志正 大金國志正 定六年 光元年 光二年謂是天元年 大二年

按史是年八月 按史是年十月 帝崩 月改元元光 二月帝崩 子守緒立

守緒立改明年元為正大

元太祖十四年 十五年 十六年 十七年 十八年 十九年 二十年 二十一年

是年六月元 征西域諸國 是冬元征西 是冬元滅欽 城班師 察國

丁亥 戊子 己丑 庚寅 辛卯 壬辰 癸巳 甲午

聖宗景宗 紹定元年 二年 三年 四年 五年 六年 端平年

嘉慶六年 五年 六年 七年 八年 天興元年 二年 三年

大金國志正
 天金國志四
 天金國志五
 天金國志六
 天金國志七
 天金國志是是年正月帝是年正月帝
 春改開興更楚歸德權立傳位宗室承
 收天興更同叛降元四月驍城陷帝自
 元國汴京議三王后妃北焚承麟為亂
 和退師帝奔薨三月官移兵所殺金亡
 河朔復國汴作亂幽帝六
 月誅官移奔
 蔡宋元合圖

元祖二年
 圖類監國
 太宗元年
 二年
 三年
 四年
 五年
 六年

是年六月元太祖第四子太祖第三子
 滅夏以其主監國不紀元察罕台即位
 脫歸十二月
 太祖殂於六
 盤山年六十
 大葬起葬谷
 是年十月圖
 類殺
 是年三月與
 宋滅金以陳
 蔡東南地歸
 宋班師

金自太祖迄哀宗九主凡一百二十年肇基東土

撫有中原版圖式廓可謂宏矣余讀金史其間稱
帝紀元或與葉隆禮契丹國志宇文懋昭大金國
志不合豈代遠年湮傳訛襲謬不免見聞異辭後
人遂不能徵諸一是歟茲撰紀事本末另輯紀年
表其二志與史異者附註於旁以便觀覽俟後之
博雅君子論定云萍鄉李有棠芾生甫謹識

金史紀年表

金史紀事本末卷首

帝系考

太祖皇帝

姓完顏氏諱旻本名阿固達原作阿骨打

四年戊申七月一日生世居按春水側初從康宗

襲位為達貝勒以宋政和五年乙未稱帝國號金

建元收國三年丁酉改元天輔時遼天慶七年正

月也天輔七年八月崩於布圖濤西行宮在位九

年五十六葬睿陵追諡大聖武元皇帝后唐古

氏諡聖穆費摩氏諡光懿赫舍哩氏諡欽憲布薩

氏諡宣獻子十六景宣帝宗浚睿宗宗輔遼王宗

幹宋王宗望梁王宗弼豐王烏里趙王宗傑充王

宗隼潘王額魯幽王鄂爾多衛王宗強曹王宗敏

紀王實訥塔息王寗吉

莒王燕孫鄰王幹璋

太宗皇帝

諱晟本名烏奇邁原作吳乞買世祖第四子母曰翼簡后納喇氏太祖母弟也遼太

康元年乙卯生初為穆宗養子收國元年七月為
安班貝勒太祖出征常居守天輔七年六月太祖
次鴛鴦澤不豫至鄂都山驛召赴行在八月太祖
崩九月即位改是年為天會元年三年二月滅遼
四年十二月克汴京八年九月立劉豫為齊帝十
三年正月崩於明德宮在位十二年六年十一
恭陵追諡文烈皇帝后唐古氏諡欽仁子十四宋
王宗磐魯王宗固曹王宗雅虞王宗偉滕王宗英
鄭王宗懿潞王宗本翼王呼蘭衛王宗哲隋王宗
圖美潘王哈必蘇鄂王沃哩韓王宗哲隋王宗順
熙宗皇帝宗浚子母富察氏追尊惠昭后天輔三年
己亥生天會十年四月授安班貝勒十三年正月
太宗崩即位不改元十五年十一月廢齊國降劉
豫蜀王改明年為天眷元年四年改皇統九年十
二月平章亮弒帝降封東昏王在位十四年三
十一葬思陵追諡莊靖孝成皇帝后費摩氏為
帝殺諡悼平子二太子齊安諡英悼魏王道濟
廢帝海陵庶人亮字元功本諱都古魯訥原作迪古
乃遼王宗幹次子母大氏諡慈憲天輔六年壬

世宗皇帝

諱雍本名烏祿太祖孫睿宗宗輔子也母曰貞懿李后天輔七年癸卯生皇統間封

葛王爲兵部尙書天德初判會審牧貞元三年爲

東京留守進封趙王正隆例降封曹國公六年居

母喪九月海陵南征十月完顏默音等奉帝卽位

改是年爲大定元年二年五月立允迪爲太子二

十四年三月如上京命太子監國明年六月太子

卒九月還都二十六年十一月立原王璟爲皇太

孫二十九年正月崩在位二十八年六月葬

興陵追諡仁孝皇帝后烏陵阿氏諡昭德弟一齊

王沃里布子十顯宗衛紹王夔王永升鄭王永韜

王永成

諱環小字瑪達格原作麻達葛顯宗嫡子也母孝懿后圖克坦氏大定八年七月生

十八年封金源郡王二十五年十二月進封原王
二十六年四月賜名璟拜右丞相立爲太孫二十
八年冬世宗不豫遂攝政二十九年正月世宗崩
卽位明年改元明昌七年改承安六年改泰和八
年十一月崩在位十九年四十一葬道陵追諡
英孝皇帝后富察氏諡欽懷弟六宣宗鄚王琮
璘王璟霍王從彝瀛王從憲溫王玠子六絳王洪
璘王洪靖榮王洪熙英王洪衍壽王洪輝萬王德
里

諱允濟小字興勝避顯宗諱更名永濟世宗第七子母曰元妃李氏大定十一年封薛王

進封滕二十九年章宗立進封潞王承安二年改
封衛王泰和八年章宗崩無嗣王卽位改明年爲
大安元年四年改崇慶明年改至寧八月執中反
被弑在位五年降東海郡侯後追封衛王諡曰紹

后圖克坦氏徙居鄭州不知所終子六

宣宗皇帝

諱珣本名烏達布原作吾睹補顯宗長子

封溫國公二十九年進封豐王加開府判兵吏部

章宗時賜名從嘉徙封昇王至寧元年八月衛王

被弑九月即位改是年為貞祐元年二年遷南京

三年正月太子守忠卒立其子鏗為太孫尋逝燕

京陷四年五月立子守禮為太子五年改興定六

年改元光二年十二月帝崩在位十年年六十一

葬德陵追諡英武聖孝皇帝后王氏賜姓溫都諡

仁聖明惠后女弟也子四哀宗莊獻太子守忠元

齡荆王

守純

哀宗皇帝

諱守緒初名守禮又名寧嘉蘇原作寧甲

速宣宗第三子母曰明惠王后承安三年

八月二十三日生女弟仁聖后無子養為子宣宗

立封遂王貞祐四年冊為太子元光二年十二月

宣宗崩即位改明年為正大元年九年正月改開

興四月改天興是冬走河朔二年走歸德崔立作

金史紀事本末

卷三

亂奉梁王從恪監國汴京尋破兩宮北遷帝謀幸
蔡州官努叛幽帝照碧堂未幾誅遂幸蔡十二月
宋元合圍三年甲午正月遜位承麟城陷帝縊於
幽蘭軒在位十年年三十六諡日哀宗后圖克坦
氏北遷不知所終承麟博索弟正月受禪城破退
保子城爲亂兵所殺金亡時宋理宗紹定七年甲
午也計九帝凡
一百二十年

金史帝系考

金史紀事本末卷一

贈封資政大夫 特賞內閣中書前江西峽江訓導萍鄉李有棠編纂

帝基肇造

遼道宗咸雍十年以女直國和哩布原作勃里鉢改

御批通鑑輯覽作合理博為節度使女直原作女真避興宗諱

北盟全編云本名朱理真番語訛為女真係高麗朱

蒙之遠世居阿芝州洮流河後名會甯府有生女真

熱女真之別外有東海女真黃頭女真二種等改號

金在愛新水之上國語以金為愛新水源出於此故又

謂之金源愛新水在甯古塔城東南源出吉林烏喇

平山得繫年要錄云金在漢稱伊撿南北朝稱和奇

女真或曰慮真又按春滿州語耳墜也耳墜以金

之金與於愛新水源因其水黃色而名舊作按出

虎今改許亢宗奉使行程錄云第三十六程自和里
間寨九十里至句孤李董寨自北而南莫知遠近界
隔甚明乃遼金二國古界也又自呼勒希寨八十里
直至此限兩國也冰流河無寸木地不產泉人攜水以行蓋天
文獻通考云會甯府初為州天眷初置上京設留守
司領會甯府曲江宜春三縣元初立開元南京二萬戶
府治黃龍府至元中改遼東路復改開元路領咸平
府後隸遼東道宣慰司明改置三萬衛以欽定滿州
源流考云滿州語金曰愛新金史舊解以金為按春
滿州語耳墜也以金為之因誤為金并按出虎
亦誤為金吉林境內無愛新水亦並無按春水以音
與地考之當為今阿勒楚喀河河源在吉林城東北
三百里松漠紀間北盟會編宇文懋昭大金志等
書所載上京行程過拉拉林河一程即至上京以館拉
林河東去阿勒楚喀不過百餘里阿勒楚喀河源在
吉林城東北三百里拉拉林河源在吉林城東北二百
二十里按之諸書所載上京宮闕在混同江東二
百六十里去拉拉林河一百七十五里者俱約畧相合
此按出虎即阿勒楚喀之明證也至金太祖建國號

之詔見本紀又太祖實錄云契丹以鎮鐵為號其質雖堅約有銷毀惟金一色最為真寶自今本國可號大金所載畧同并未云有金木源而金源縣名遼時已有在今喀喇沁右翼界與金初起之地無涉史殊不足為先出款鞞氏號勿吉古肅慎氏地也攻異肅

著於周初考竹書紀年有虞舜二十五年息慎獻弓矢之文史記虞帝紀亦稱北發息慎鄭元注曰息慎

或謂之為一國無疑後漢書挹婁傳云即古肅慎音轉

之諺其為使聘稱金之姓為朱理真夫北音讀肅為息

魏晉間劉恕稱金之姓為朱理真夫北音讀肅為息

不終宋劉恕稱金之姓為朱理真夫北音讀肅為息

須朱同韻里真二字合呼之音近慎蓋即肅慎之轉

音而不知者遂以為姓呼之音近慎蓋即肅慎之轉

即肅慎漢人不知原委遂歧元魏時勿言有七部曰

而二之也見滿州源流考

粟末部曰博綽樂史太平寰宇記五代史宋史部曰恩

徹亨原作安部曰佛甯平寰宇記作拂遑部曰哈沙

車骨

金史紀事本末

卷一

二

原作部曰黑水部曰白山部隋時猶存攷異王欽若冊府元龜云

靺鞨在高麗地居營州東二千里南與新羅接地方

二千編戶十餘萬兵數萬北史云靺鞨所居多依

山水渠帥曰大莫弗瞞咄隋書云煬帝初與高麗戰

頻敗其眾渠帥度地稽帥其部來歸拜右光祿大夫

及遼東之役度地稽率其徒以從至唐初祇有黑水

每有戰功居之柳城所載較詳

靺鞨粟末靺鞨二部粟末靺鞨始附高麗姓大氏李

勣破高麗粟末靺鞨保東牟山顧祖禹方輿紀要云在瀋陽中衛東二十

里本挹婁地今承後為渤海稱王傳十餘世有五京

德縣東二十里

十五府六十二州黑水靺鞨居肅慎地亦附高麗嘗

以兵十五萬助高麗拒唐太宗敗於安市方輿紀要云在蓋州

衛東北開元中入朝置黑水府拜都督攷異宋史云

七十里

時酋長入朝

拜勃利州刺史王溥五代會要云在京師東北六千
餘里開元十年二月安東都督薛泰請置黑水郡其
首爲都督置長史一人監領之舊唐書武德初突
稽入貢以其部落置燕州拜總管貞觀中以戰功封
著國公徙居幽州昌平城會高開道引突厥來攻幽
州突地稽大破之拜右衛將軍賜姓李子謹行遷營
州都督封燕國公自高麗滅後並爲渤海編戶惟黑
水部全盛分十六部開元十三年因薛泰請置黑水
軍尋升爲府賜姓名李獻誠其後服屬渤海朝貢遂
所載各異

絕五代時遼滅渤海而黑水靺鞨亦附之

勿吉始見北魏亦曰

靺鞨故魏書爲勿吉傳隋書爲靺鞨傳而北史傳云勿吉一名靺鞨其其實則爲一國也第自唐武德以前則勿吉與靺鞨互稱武德以後則黑水一部獨強始專稱靺鞨而粟末部自萬歲通天以後改稱震國又稱渤海無復曰爲勿吉矣考粟末部以粟末水得名卽今之松阿哩江白山卽今長白山滿州語謂之果勒敏珊廷阿琳黑水今黑龍江滿州語謂之薩哈其連烏拉詞異義同尤信而可徵也見滿州源流考其

地有混同江卽黑龍江又有長白山所謂白山黑水
是也攷異陳士元東夷考畧云混同江水色微黑亦
名黑龍江卽粟末河發源太白山卽長白山橫
亘百里巔有水源下注成湖出東珠貴者直千金南
流爲鴨綠江北流爲混同江達五國城東入海其出
北山南流入松花江是爲白山黑水林本裕遼載云
一名宋瓦江卽松花江在開原北千五百里楊賓柳
邊紀畧云混同江發源長白山北流而東黑龍江發
源塞北南流而東雖入海處合爲一流而東黑龍江
兩處金史世紀稱混同江亦號黑龍江誤方輿紀要
云又東流爲阿也苦河長白山巔有潭周八十里淵
深莫測其山橫亘千里源出長白山混同江開原城
花江開原城北一千三百里爲兀良河黑龍江開
北千五百里西北三千三百里爲兀良河黑龍江開
原北二千五百里東北源出北山黑水胡里改江源
州衛東南山下東北源出北山黑水胡里改江源
溫江開原城北九百里哈刺河開原城東四百里
出長白山北松山一述河開原城北四百里又千餘
里爲金水河北松山一述河開原城北四百里又千餘

東北五百里又東北二千一百里入理河掃兀河開原
東北五百七十里又東北一千一百里忽兒海河合蘭
河源經建州衛東南一千一百里忽兒海河合蘭
三百里恤品河源經建州衛東南一千一百里忽兒海河合蘭
通鑑輯覽云混同江即松花江在今吉林烏喇城東
南發源長白山北流會鄂諾河又東北合黑龍等江入
於海按鄂諾河舊作鄂嫺河今改遼史聖宗紀大平
四年改鴨子河爲混同江紀載各別按長白山在吉
林烏拉城東南橫亘千餘里東自甯古塔西至奉天
府諸山皆發脉於此山巔有潭爲鴨綠混同愛濬三
江之源古名不咸山亦名太白山亦名徒
大山亦名太末山其名長白山則自金始也又長白
山南麓分兩幹一西南指者東界鴨綠江西界佟佳
江麓盡處兩江會焉一繞山之西南巨數百里以
其爲衆水所分謂之分水嶺黑龍江在嫩江城東
古名黑水亦曰完水又名室建河亦名鄂嫩河源北
喀勒喀北界肯特山折而東北流至尼布楚城南一
千餘里又三百餘里入黑龍江將軍界又東南至吉
林烏拉界會松花江入海舊唐書言源出俱倫泊即
今庫倫湖今黑龍江之源自有鄂嫩河庫倫湖上流

金史紀事本末

卷一

四

爲克魯倫河其源與鄂嫩河相近而克魯倫又東北入黑龍江此唐書之所由致悞也見滿州源流考

在江南者入遼籍號熟女直云一曰合蘇欵編在江北

者不入遼籍號生女直攷異無名氏北風揚沙錄云氏其地有七十二部落阿保機恐其爲患徙豪右數千家於遼陽之南而著籍焉使不得與本國通謂之合蘇欵卽所謂熟女真也自咸州東北分界入室口至東珠江中所居之女真隸咸州兵馬司與其國往來無禁謂之回霸其自束江北寧江東散居山谷者曰生女真均臣屬契丹丹世襲節度使兄弟相傳周而復始人皆辮髮與契丹異耳垂金環留願後髮以色絲繫馬端臨文獻通考合蘇欵作哈斯罕卽熟女真回霸作輝發非熟女真亦非生女真其自涑洙江之北甯江之東地方千餘里戶十餘萬無大君長及國名小者千戶大者數千則謂之生女真宋太宗時契丹伐女真女真衆纔萬人弓矢精勁爲灰城以水淋之爲堅冰不可上攻之不克野無所取遂退大爲所敗真宗時契丹征高麗女真與高麗合兵拒之大敗

而還自天聖後屬契丹世襲節度使按輝發河在吉
林城南三百二十里源出納魯窩集即遼吉善河同
門河三屯河合流處東北入混同江而圖始祖諱函
們河與發源長白山之圖們江非一水也

普初從高麗來年六十餘兄阿庫納原作阿好佛留

高麗不肯從獨與弟博和哩原作保俱始居完顏部

布爾罕原作僕幹之涯博和哩居札蘭原作耶懶其後呼實默

十門原作胡以哈斯罕原作蘇館歸太祖自言其祖兄弟三

人相別而去蓋阿庫納之後實圖美原作胡都古嚕

訥原作廸博和哩之裔也攻異宗室表阿庫納裔托

官驃騎大將軍以哈斯罕歸太祖呼實默子果實原

作鉤室哈斯罕達貝勒又和卓原作合住遼領辰復

二州亦阿庫納裔和卓子富色克遼中正節度額哩
頁曹州防禦使布呼順天節度博和哩四世孫卓巴

納子實圖美金源郡王阿索美原作阿斯懃忠本都
古嚕納平章事金源郡王實圖美子實實原作習失
特進思敬本名薩哈平章事按久之其部人與他部
實圖美子尙有察遜表未列名
相惡謂始祖曰若能解此怨我部有賢女年六十未
嫁當以相配仍爲同部始祖爲約和部衆悅服因以
其女歸焉并得其貲產攷異苗耀神麓記云始指浦
出自新羅奔至阿爾胡無所
歸遂依完顏因而氏焉時酋豪以強凌弱無有制度
指浦爲立法令果斷不私遠近皆服號爲神明六十
未娶有鄰寨鼻察其酋長姓結徒姑丹小名聖者貨
有室女年四十餘嫁之未言約和歸女事今從世紀
生二男長烏嚕原作次幹魯攷異和卓子薩哈弟亦
烏魯名幹魯官都統封鄭王
另一人宗室表幹魯八世孫名匡一女卓克索巴原作
本名蘇色官太師尙書令史有傳
注思板攷異幹魯傳謂皆福壽之語按蒙古語起立
曰卓克索巴蓋祝其易於成立之意又滿洲語是莽

之是曰烏嚕贅疣之疣曰幹魯皆與福壽語不倫當時載筆之家不通音譯往往附會以漢文未可牽合併改故自是遂為完顏部人攷異洪皓松漠紀聞云仍其舊也國語解云即幹英基雅宗室表完顏氏完顏猶漢言王也國語解云即幹英基雅宗室表完顏氏完顏猶二部後皆以部為氏史臣記錄有稱宗室者有稱完顏者稱完顏者亦有二有同姓完顏蓋部人如罕都原作美都是也古嚕納是也有異姓完顏蓋部人如罕都原作歡都是也大定以前稱宗室明昌後避睿宗諱稱內族至宣宗時詔宗室皆稱完顏不復識別矣所載較詳

天會十四年追諡景元皇帝廟號始祖皇統四年號其藏曰光陵五年增諡懿憲邵經邦宏簡錄云子妻諡明懿皇后子

德帝嗣諱烏嚕卒葬熙陵皇統五年增諡淵穆元德

皇帝宏簡錄云妻諡思皇后子二長跋海次輩魯攷異宗室表輩魯亦作博囉其孫名呼實曾孫和

卓原作劾者官特進與薩哈父韓國公同名另一人子安帝嗣諱巴哈跋海原作卒

全史已事

葬建陵皇統五年增諡和靖慶安皇帝

宏簡錄云妻諡節皇后子

五綏可信德謝庫德謝夷保謝里忽攷異宗室表謝

庫德一作錫赫特孫巴達原作拔達官儀同三司謝

夷保一作錫哩布子博諾原作益納官開府謝里忽

一作錫里庫按盆納同時人稱惡益納見卷六十五

謝庫德傳又阿庫德一為完顏部勃堇一子獻祖嗣

為溫迪痕部人並見謝庫德傳所載各異

諱綏赫原作徒居海古勒水耕種樹藝始築室有棟

宇之制攷異馬擴茅齋自叙云混同江以北不種穀

麥麴每晨及夕各以射到禽獸薦飯同州地宜捺黍

東望大山云新羅山出人參白附子北盟錄云女真

土多林木田宜麻穀以耕鑿為業土產名馬生金大

球人參及蜜蠟細布松實白附子禽有鷹鷂海東青

獸多牛羊麋鹿白麋青鼠貂鼠花菓有白芍藥西瓜

海多大魚螃蟹五代史云女真地多牛鹿野狗釐麋

為酒其南海曲有魚鹽之利契丹仰食洪皓松漠紀

聞云榛栲木有文縷可愛多用為碗西瓜形如扁蒲

而圓色極青翠經歲則變黃其味類甜瓜味甘脆中有汁尤冷嘗攜以歸可留數月有久苦目疾者曝乾服之而愈契丹國志云女真部族皆處山林有屋居舍門皆於山墻下開之耕鑿與渤海人無出租稅又云人無定居以樺皮爲屋見文獻通考人呼其地爲爲屋又俗以樺皮爲屋見文獻通考人呼其地爲額訥格爾葛里漢語居室也史稱額訥格爾漢言瘡也和掄漢語慈烏也又云得勝陀國語額特赫格們也日月山國語納喇薩喇也陷帛國語垓紉吉也龍駒河國語達罕必喇也白灤國語舍音齊喇也鴛鴦國語昂吉爾也燕子城國語古勒達爾干也羊城國語和甯也狗灤國語音達琿尼約也古北口國語紐幹哩也居庸關國語齊喇哈藩也松亭關國語薩勒扎也化咸關國語哈自此遂定居於按春水側斯哈雅也見滿洲源流考按春水側原作安出虎攷異宏簡錄作按出濟國語解云金曰按春卽阿伊西北盟會編云世居阿木火按按春水當改作阿勒楚卒葬輝陵皇統五年增諡純烈定昭

皇帝

宏簡錄云妻諡恭靖皇后子七石魯朴都阿保塞敵酷敵古迺撒里輦撒葛周攷異宗室表朴

都一

一作巴圖阿保塞一作阿布哈敵酷一作圖庫敵

古迺

一作都古嚕訥與實圖美弟官平章者同名撒

里輦

一作薩里罕撒葛周一作薩克蘇卷六十七子

留可

傳世祖時溫迪痕部李莖撒葛周另一人子

昭祖嗣諱舒嚕

原作石柳亦作石魯攷異汪輝祖金史同名錄云世祖時不尤魯部卜灰

黨穆宗時紇石烈部人並見世紀卷六十八哀宗紀

其祖卷一世紀穆宗時將烏林答氏卷十八哀宗紀

天興二年護衛始以條教為治部人不悅欲害之叔

六人同名石魯

父錫里庫

原作謝里忽

救之得免士眾寢強遼以特哩袞

原作

官之因耀武至於青嶺白山撫順討逆所至克

捷卒葬安陵皇統五年增諡武惠成襄皇帝

妻徒單氏諡咸

順皇后攷異宗室表昭祖子烏肯徹原作烏骨出伯

赫原作跋里伯勒赫原作跋里黑幹里雅原作幹里

安和碩合原作胡失答與景祖共六人實古納稱昭
祖曾孫崇成本名布呼都指揮使稱昭祖元孫不知
誰子汪輝祖金史同名錄云卷六十五麻頗傳太祖
時係遼女直卷一百二十一溫迪罕蒲睹傳迪幹羣
牧副使三人是時尙未有文字無官府年壽修短莫
同名胡失答是時尙未有文字無官府年壽修短莫
得而考焉政異北盟會編云其人不知紀年以草一
語則謂好爲感或爲塞痕不好爲辣撒酒爲勃蘇拉
殺爲蒙山不屈花不辣撒殺爲蒙霜特姑又曰諾勃
辣駭夫謂妻爲薩那罕妻謂夫爲愛根也北盟錄云
女真言語謂好爲賽堪又爲賽音謂不好爲朗色謂
酒爲博囉達喇蘇謂根子故殺爲穆克珊坦塔哈又
曰穆克珊布徹赫嚕布又曰幹布哈夫謂妻爲薩爾
罕妻謂夫爲額伊根又呼女巫姬爲薩滿又云女真
刻木爲契謂之刻字賦敘調度皆刻箭爲號事急者
三刻之旗幟之外各有字記大小牌子繫馬上爲號
樂有腰鼓管笛琵琶方響簫笙等箜篌大鼓拍板苗
耀神麓記云女真始祖勞木爲魁如文契約法令嚴
峻果斷不私由是遠近皆服號爲神明至獻祖教人

燒炭煉鐵剗木為器製造舟車種植五穀建造屋宇

有上古之風由是隣近每有不平皆詣訴請遂號貝

勒北風揚沙錄云性嗜酒好殺賦斂調發刻箭為號

事急者三刻之謂好為臧酒為勃蘇官之等以九曜

二十人宿為號國有大事適野環坐畫灰而議自

卑者始議畢即滅不問人聲其密如此史均未載子

景祖嗣諱烏古廝原作烏庫納云舊作烏古納遼聖

宗太平元年辛酉歲生自始祖至此六代矣景祖始

役屬諸部自白山頁赫原作耶悔一作葉赫河名蓋

號圖們原作統門攻異國們江在甯古塔城南六百

折入扎蘭托卜古倫原作土之屬及五國之長皆聽

命攷異五國部一博和哩滿州語碗豆也舊作剖阿

語渡口也舊作奧里米一作伊埒圖滿州語明顯也

舊作越里篤一伊勒希滿州語副也舊作越里吉今

舊作越里篤一伊勒希滿州語副也舊作越里吉今

舊作越里篤一伊勒希滿州語副也舊作越里吉今

舊作越里篤一伊勒希滿州語副也舊作越里吉今

俱改聖宗時來附重熙六年始設節度使領之在西樓東北千里東接大海居甯古塔以東而五國城則為五國至遼總集之所即節度時遼遣林牙赫魯原作使所治之城也見滿州源流考

曷魯攷異太祖紀天輔三年李璽曷魯另一人將兵來索逃戶景祖恐其深

入也以計止之已而五國佛甯原作蒲聶又部節度

使巴哩美原作拔乙門又叛遼鷹路不通遼人將討

之來諭旨景祖乃陽與為好襲而擒之獻於遼主得

召見燕賜加等拜節度使遼謂節度為太師金人稱

都太師者自此始因置官屬紀綱漸立鄰國以鐵來

售厚價購之乃修弓矢器械兵勢稍振鄂敏攷異滿州語飲

也原作幹水富察原作蒲察等部來附遼道宗咸雍八年

湜今改

五國穆延

原作沒然

部蘇頁

原作謝野一作舍音

貝勒叛遼景宗率

眾擊敗之卒年五十四葬定陵皇統五年增諡英烈

惠桓皇帝

攷異宗室表景祖子和卓原作劾者噶順原作劾孫沂國公赫色布原作劾真保代

國公滿丕原作麻頗虞國公阿里罕原作阿离合懣

隋國公們圖琿原作謾都訶阿斯罕貝勒鄭國公子

穆里延原作謀里也官工部尚書至伊克阿里布均

稱系出景祖不知世次又卷六十八歡都傳父劾孫

另保孫代王麻頗虞王謾都訶鄭王皆天會中追封

又第九子諡定 第二子和哩布嗣是為世祖母唐古

濟所載稍異 唐括氏 諡昭肅 興宗重熙八年己卯歲生至是始襲

節度使 大安七年和諾克 原作拉敏 薩克達為亂會諸軍來攻世

祖率兵大擊破之各率其屬來降既而博都哩原作不尤

魯各舊部咸來附時沃勒原作幹勒部博諾結烏春烏木

罕原作窩謀罕攻異國語解云即武噶舉兵復擊擒之未幾拉必原作臘酷

瑪察原作麻產侵掠牧馬烏凌阿原作烏林答攻異國語解作烏林達云即武禮

英部錫馨子頗克綽歡亦在其中世祖克之瑪察遁

去遂擒拉必及頗克綽歡獻之遼已而復索歸遂與

罕都合兵攻破烏春等於實都原作斜堆烏木罕棄城遁

進克其城由是變弱為強基業始大攷異商輅續綱目云劾里鉢嚴

重多智因敗為功初建官屬統諸部官之長者稱貝

勒原作勃極烈宗室傳時罕都伊克及和卓巴達博

諾五人者不離左右親若手足元勳之最著者明昌

五年皆配饗世祖廟廷準塔蘇拉布皆爪爾佳部人

賽音諾延綽哈皆圖們部人富哲尼瑪哈完顏部人
阿固岱布達皆音德爾水完顏部貝勒七人者當攜
離之際能竭力輔戴者德濟呼遜皆珠嘉部貝勒雙
寬主保皆珠格部人阿固岱溫特赫部人五人者又
其次者也按罕都原作歡都封代國公
卷七十果傳天輔六年將歡都另一人

八年夏五月世祖卒年五十四立十九年葬永陵皇

統五年增諡神武聖肅皇帝

原娶納喇氏以明年卒

諡簡肅皇后續綱目云子十一長烏雅束次即阿古
達薛應旂通鑑云長吳刺束次阿骨打次吳乞買次
幹帶次撒也次幹賽次幹者次烏故乃次闡母次查
刺次烏特劾里鉢疾篤呼弟盈哥謂曰烏雅束柔善
若辦集遼事阿骨打能之遂卒宗室表世祖子威泰
原作幹帶封魏王果本名舍音封遼王烏色原作幹
賽封衛王烏哲原作幹者封魯王棟摩原作闡母封
魯王扎拉原作查刺封沂王昂本名烏達原作烏特
平章封鄆王阿庫納原作烏故乃封漢王與康宗太
祖太宗共十一人續通考幹帶諡定肅幹賽封鄭

子宗永封魯王宗本名排捷封魯王幹者子神土懋
封金源郡王按世祖曾孫綽歡傳云父烏里祖巴噶
布琳則布琳為世弟肅宗嗣諱頗拉淑原作頗刺束
祖子表闕未書

景祖第四子遼重熙十一年壬午歲生初為國相盡

心匡輔備知遼國政事人情凡有遼事一切委之世

祖時叔父伯赫有異志誘諸部為亂從征有功襲位

後瑪察尙據哲克依原作直屋鎧水未服率兵討誅之獻

誠於遼明年復遣兵伐尼瑪哈原作尼龐古攷異諸國語解作尼忙古

部皆平之

十年八月肅宗卒葬泰陵天會十五年追諡穆憲皇

帝皇統五年增諡明睿妻蒲察氏諡宣靖皇后攷異續通考云溫國公耨酷款崇

國公蒲魯虎封時皆未詳均系出肅宗按耨酷款亦
作訥古庫蒲魯虎亦作富勒呼均肅宗子見宗室表

弟穆宗嗣諱英格原作盈哥字額魯溫攷異宏簡錄景祖

第五子遼重熙二十一年癸巳歲生肅宗時擒瑪察

遼命爲詳袞原作詳穩至是襲節度使攷異世紀云南人

揚割號仁祖金代無號仁祖者穆宗諱英格英近揚

格近割南北音說凡叢言松漠紀聞張棟金誌等書

皆無足取薛應旂通鑑云宋徽宗建中靖國元年冬

十月頗刺束死阿骨打嗣按是年即遼乾統元年也

中無穆宗康宗嗣立之以兄和卓攷異滿州語美好

事與世紀異今從世紀原作撒改攷異滿州語小圍

錄作劾者通鑑子薩哈原作撒改攷異滿州語小圍

輯覽作和琢也舊作撒改攷異滿州語小圍

金史同名錄云卷七十神土懋子思敬官平章卷九

十三章宗子英王洪衍卷八十二烏孫訛論傳父謀

克卷九十一安武節度卷九十八完顏紉傳押軍猛

安六人同名撒改又通鑑輯覽薩哈作薩拉噶又異

為國相本傳世祖長兄和卓子從穆宗討阿蘇先克

之嗣伐遼之舉決於都統討塔克卓多烏塔等部降

多智能馴服諸部卒追封燕國王配饗太祖廟廷設

忠穆子宗翰宗憲致異宗室表薩哈子宗翰原作枯

沒明扎巴台原作扎保迪官特進宗憲本名阿蘭尙

書右丞

相稍異
壽隆二年錫馨原作星顯水赫舍哩原作石烈部阿蘇原作阿疎

穆都哩原作暗祿阻兵為難穆宗自將伐阿蘇薩哈以

偏師攻通恩原作鈍恩城拔之阿蘇初聞來伐往訴於遼

遂留和卓守阿蘇城穆宗乃還嗣後屢索不遣金人遂用此為兵端會

赫舍哩部阿勒班原作阿閣版及舒嚕阻五國鷹路執遼

使者遼詔穆宗討之攻克其城出遼使歸之未幾烏

庫哩

原作烏古論攷異國語解云即武庫哩

部埒克

原作卓多

詐都與

蘇伯水烏庫哩達薩塔

原作敵

並起兵叛命命薩哈

爲都統希卜蘇

原作習不出本傳一作辭不失昭祖

祖敗和諾克薩克達於托果原功居多復從肅宗擊

敗烏春兵擒博諾以歸與薩哈攻埒克城下之珠赫

店之戰破遼兵十萬挫其鋒與太宗勸進授愛滿貝

勒雖屢居守無方而功配饗太祖廟廷諡忠毅子呼沙

曹國公進金源郡王配饗太祖廟廷諡忠毅子呼沙

呼官眞定留守孫宗亨甯州刺史宗賢官丞相都元

帥爲海陵殺諡忠毅見續通考汪輝祖金史同名錄

云卽習不失傳在卷七十阿買勃極烈亦作習失見

禮志又思敬傳思敬兄名習失亦作習室李老僧傳

熙宗時都點檢蒲察鼎壽傳鼎壽子溫迪罕蒲睹傳

歐里不羣牧副使均同名辭不阿里罕懋攷異國語

失又海陵時武庫直長名習失阿里罕懋攷異國語

解云卽阿禮哈通鑑輯覽作鄂蘭哈瑪爾本傳景祖

第八子健捷善戰伐遼之舉實贊成之從征屢有功

官古倫英實貝勒追封隋國王贈開府配享太祖廟
廷諡剛憲宗室表阿里罕長子賽音賽音子宗尹官
平章宗甯官平章代國公宗尹子尼楚赫襲明安宗
甯子直韓州刺史阿里罕次子晏本名鄂倫左丞相
廣平郡王晏子伊訥又宗道官臨洮尹按阿里合
懋原作阿离合懋宗室表永中子珠卷九十二克甯
傳大定四年鎮國上將軍三人同名阿离合懋卷六
十九宗敏傳子密國公卷七十三宗尹傳本名三人
同名阿里罕見汪威泰副之討平諸叛撫甯各部如
輝祖金史同名錄

舊時

六年和卓尙守通恩城穆都哩來降阿蘇在遼遼使
來罷兵穆宗以計阻之遼使走歸遂克其城

天祚帝乾統二年冬十月蕭哈里

原作海里

叛遼亡入阿

克占

原作阿典攻異遼史作阿克展

部遣其族人額特埒

攻異薛應旂通鑑作

幹達刺通鑑輯覽作烏達喇

來結和穆宗執之送於遼募兵得甲

千餘女直甲兵之數始見於此前此蓋未嘗滿千也
次混同水會遼兵數千攻哈里弗克穆宗請遼退師
命太祖策馬突戰流矢中哈里首墮馬擒殺之獻俘
於遼自此知遼兵之易與也遂朝遼主於漁所授以
使相賜予加等

三年冬十月穆宗卒年五十一葬獻陵皇統五年增

諡章順孝平皇帝

妻烏古論氏諡貞惠皇后子五人昌本名達蘭原作撻懶行臺左丞

相芬微原作蒲察齊國公富爾丹原作蒲里迭崇國
公算卓原作撒祝銀青光祿大夫勳本名烏頁原作
烏也太師金源郡王勳子宗秀本名色喀緝昭義節
度使至哈布爾原作胡八魯甯州刺史字蘇赫一名

齊利涉節度稱穆宗孫不知誰子姑置之均見宗室表攷異蒲里迭與卷七十三阿育合慈子同名另一人按遼史天祚紀穆宗之卒載在乾統元年又所載擒哈里事乃穆宗卒後畢沅續通鑑云世紀英格癸未歲卒為乾統三年實宋崇甯二年也而李燾續通鑑長編謂卒於建中靖國元年一誤也是歲烏雅舒襲節度十一年而卒而長編又謂英格死阿古達立竟脫却烏雅舒一代二誤也蓋沿汪藻金盟本末及直北遼事史愿亡遼錄兄弟子康宗嗣諱烏雅舒原作之謬而未加攷證耳

字摩囉完

原作毛路宅

世祖長子也遼清甯

七年辛丑歲生五年康宗襲節度使高麗使來議事

使者至高麗拒不納語詳高麗事中

攷異續綱目云時高麗復與女

真通好女真雖舊屬高麗然不相通者且久會高麗真者至女真還言於王曰女真居黑水部者部族日強兵益精悍其王乃通使女真自是來往無阻并無拒而不納之事與世紀異今從世紀陶宗儀輟耕錄

云高麗以北地名巴實伯里其地極寒海亦冰自八月即合至明年四五五月方解人行其地極寒海亦冰自八月行省每歲委官至尼嚕千須用站車每車以四狗挽之狗惡諸人性若剋減其分例必齧其主者至死乃

已命威泰等伐蘇伯水齋沃赫原作克之進拔歡塔

原作城乃止本傳世祖子太祖母弟最所鍾愛臨敵

盡平額訥斯琿路恩楚路寇盜及歸自歡塔城世祖

欲偕往甯江州不果遂卒太祖哭之慟贈儀同三司

魏王諡定肅孫古爾立十一年卒年五十三葬喬陵

吉宗室表未列名

皇統五年增諡獻敏恭簡皇帝妻唐括氏諡敬僖皇

囉歡楚王騰格徹原作同括留昭武大將軍威赫勸

農使宋國公見宗室表攷異續通考云康宗子猷可

天德中封廣平郡王等例降大定初封宗國公疑即

威赫也洪皓松漠紀聞云金九代祖名堪布號始祖

八代祖名額魯七代祖名雅哈六代祖名蘇赫五代

祖貝勒名舒魯高祖太師名呼蘭曾祖名哈里曾叔

祖名富勒敏曾季祖名揚格伯祖名烏魯斯俱加謚
號大金國志云七世祖名龕福謚景元皇帝六世祖
名訛魯謚德帝五世祖名實魯謚成襄帝二世祖名胡
濶謚定昭帝三世祖名實魯謚成襄帝二世祖名胡
來謚惠帝胡來生三世祖名實魯謚成襄帝二世祖名胡
揚割生三子長阿骨打次吳乞買季思政苗耀神麓
記云始祖祖堇生三子訛辣魯訛辣魯生佯海佯海生隨
濶始號李堇生三子訛辣魯訛辣魯生佯海佯海生隨
生貨曜北之五祖迥然超羣拜甯江軍節度使生五
子長劬間次劬姑遜次劬末三子兀古達乃太祖紀載
師劬里孛生長子兀囉末三子兀古達乃太祖紀載
各異按金始祖哈富即龕福哈富生烏魯即訛魯烏
魯生雅哈即洋海雅哈生蘇赫即隨濶蘇赫生實魯
實魯生呼蘭即胡來呼蘭三子長和勒博即核里頗
和口富勒蘇即蒲刺束季曰伊克即揚割稱太師始
稱強諸部和勒博生四子長烏魯斯即吳刺束次太
祖次太宗次賽音即撒也永昌八年秋太
祖始稱皇帝建元天輔云見滿州源流考

金史紀事本末

卷一

五

金史紀事本末卷一

金史紀事本末卷二

勳封資政大夫 特賞內閣中書前江西南江訓導萍鄉李有棠編纂

太祖建國

遼天祚帝天慶三年冬女直國康宗卒弟阿固達

原作

阿骨打攻異績綱目作阿古達史愿亡遼錄作阿姑打鍾邦直行程錄云名文小字阿古忽

襲位

爲達貝勒是爲太祖後改名旻世祖第二子也母曰

翼簡皇后納喇氏遼道宗時東方屢出五色雲氣大

若囤倉之狀司天孔致和竊謂人曰其下當生異人

建非常事以咸雍四年戊申七月一日太祖生幼卽

舉止端重

政異大金國志云太祖在旌時骨重異常兒將生河水爲沸野獸盡歸及生有光照

其室部落咸異之既長臂垂過膝身長八尺世祖尤
狀貌雄偉沈毅寡言笑而有大志本紀未載

愛之甫成童善射所至踰三百二十步時莫能及年

二十三從世祖攻烏木罕原作窩城壯士托雲原作太略

馳刺幾中舅氏和爾和原作活救之得免世祖寢疾

甚太祖適自遼歸乃執其手謂穆宗曰烏雅束柔順

惟此子足了契丹事穆宗亦雅重之嘗從征瑪察原作

產擒殺之獻馘於遼遼拜為詳表原作詳穩久之以偏師

伐尼瑪哈原作泥部伯赫布爾噶等克之虜其妻子

初溫都部人巴圖原作跋式殺唐古部巴噶原作跋噶穆宗命

伐之臨行辭曰昨夕見赤祥此行必克遂追及於額

斯澤

原作阿

山殺之尋從都統薩哈

原作撒

攻塔克

原作

可破之還攻烏塔

原作塔

城城中人以城降

普嘉努

作

原作

滿家奴本傳鄭國公噶

順子

改名昱官溫貝勒進都

統使襲遼主從

果克中京追敗遼兵於石輦鐸烏琿

部叛計平之卒官司空封王配享太祖廟延攷與續

通考謂劾孫子正隆例降

豫國公

明昌四年始定配

享太廟功臣位次東廊自

果以下十人共計四十人東

改以下十八人後又增

為果宗幹宗望習失希尹

宗雄銀尤可忠阿恩魁

撒

離鳴幹里古辭不失克甯

張浩西為撒政宗翰宗弼

幹魯婁室闕母阿南合

石志甯忠父良弼石琚安

禮合喜宗敘後增者為完

顏襄張萬公僕散端高汝

招卓多

詐都降之釋不誅

未幾蕭哈里

卷七

天眷時廣甯尹

金史同名錄云

粘割韓奴傳遼同

叛遼太祖親擊殺之獻於遼康宗

知三人同名海里

二

二

二

二

二

二

二

二

七年歲饑民轉爲盜罕都欲悉殺之太祖曰以財殺
人不可財者人所致也遂減盜賊徵償法爲徵三倍
民間多逋負康宗患之太祖請三年勿徵聞者感泣
自是遠近歸心焉是歲康宗卽世乃襲位攷異畢沅
時烏雅舒夢逐狼屢射不能中阿古達前中之旦日
告僚佐皆曰吉兄不能得而弟得之之兆也未幾卒
阿古達代

四年夏六月太祖至江西遼使使致襲節度使之命

攷異大金國志云是春蘇源奚室蒲古初康宗卒太
率其部落內附共七千餘戶紀未載

祖嗣位遼使阿息保攷異畢沅續通鑑作阿勒博通
鑑輯覽作愛錫拉布國語解云

以力助人來讓曰何以不告喪太祖曰有喪不然弔
曰阿息保

而乃以為罪乎他日阿息保徑騎至康宗殯所欲取

賄馬太祖怒將殺之攷異馬永真嫌貞子云胡人長

有兩馬此古法也北征詩曰陰風西北來慘澹隨同

鵠其王願助順其俗喜馳突送兵五千人驅馬一萬

匹是知一胡人兩馬也中國若不修馬政豈能勝之

趙翼劄記云金初最重馬景祖為部長時有黃馬服

乘如人意景祖歿遼人乃弗取見阿辣傳贊時兵力尙

耳謂之禿耳馬遼人乃弗取見阿辣傳贊時兵力尙

微桓被散達方強欲得盈哥之大赤馬及辭不失之

赤驪馬世祖亦不許遂戰敗之阿里合懋將死太祖

往問疾詢以國事對曰馬者甲兵之用今四方未平

而國俗多以良馬殉葬當禁止之均見本傳故太祖

欲殺阿息保也諳達傳騎射絕倫善相馬嘗論及善

射者世宗曰能如卿乎閱馬於市見良馬甚羸瘦輒

與善價取之他宗雄虎本名摩羅數攻異宋史作謀耳

日果良馬也宗雄虎本名摩羅數攻異宋史作謀耳

即穆喇枯通鑑輯覽作穆哩庫本傳康宗長子從太

祖攻甯江州敗渤海兵珠赫店之戰推鋒力居多戰

金史已事太宗

達魯噶城乘勝逐北至頁魯伯奇又追敗遼主於呼
岱巴岡進平西京贈太師封楚王諡威敏宗室表宗
雄子額哩頁原作余里也富勒呼原作蒲魯虎金紫
光祿大夫安塔哈原作按塔海太子太保金源郡王
雅爾堅原作燕京阿林原作阿隣兵部尙書又額哩
頁孫富德上將軍史載常春呼喇勒呼喇呼嚕徹珍帕
金吾衛上將軍史載常春呼喇勒呼喇呼嚕徹珍帕
克巴恩楚皆稱摩囉歡孫不知誰子姑置之續通考
云宗雄次子名答海初封許王後封鄆王汪輝祖金
史同名錄云卷九十三顯宗子玠卷五海陵紀貞元
二年翰林待詔卷六世宗紀海陵臣官護衛卷八
七合喜傳太宗時恩州刺史卷一百二十烏林答
傳都點檢六人同名謀良虎又燕京興定元年蘭
州水軍提控同名按答海與又燕京興定元年蘭
承裕傳紀諫而止帝幸混同江釣魚值頭魚宴酒酣
載各判部部長次第起舞獨阿固達辭帝欲誅之弗
帝臨軒諸契丹國志云道宗末年阿骨打入朝遼貴
果葉隆禮契丹國志云道宗末年阿骨打入朝遼貴
人與爲雙陸戲相爭阿骨打怒以刀戕其胸不死侍
臣請誅之不許因以王衍縱石勒張守珪教殊山比

之終不聽史均未載既而遼命久不至遼主淫酗好獵荒政四

方奏事多不省每歲遣使市名鷹海東青於海上道

出境內使者貪縱部人厭苦之攷異薛應旂通鑑云女真歲以北珠貂皮

良犬俊鷹海東青貢於遼海東青者小而健能擒天

鵝爪白者尤異主酷愛每歲大寒必命女真發甲馬

數百至五國界取之往往爭戰而得國人厭苦畢沅

續通鑑云宋河北轉運使梁子美嘗捐緡錢三百萬

市北珠奉上珠出女直子美市於遼遼嗜利虐女直

捕海東青以求珠女直深怨之北盟會編云天鵝能

食蚌則珠藏其嚙唯海東青能擒天鵝則於其嚙得

珠焉又遼使每至其國必欲薦寢者舊輪中下戶之

室女後唯擇美好婦人不問其有夫康宗嘗以不遣

及閭閻高者女真深怨所載最詳

阿蘇原作阿竦為言稍拒其使者至是復遣宗室實古納

攷異蒙古語審問也原作習古尼楚赫原作銀朮可
通今譯改通鑑輯覽作舒固特
國語解云珠

也本傳伐遼之舉發自尼楚赫嗣戰達魯噶城凡九
陷陣大敗之從克中京大敗奚錫默於京西遼主西
奔天德以兵絕其後卒見獲從宗翰侵宋圍太原屢
敗宋兵克汴賜鐵券拜中書令封蜀王諡武襄配享
太祖廟廷攷異續通考云銀朮可爲平章王章代王宗尹
子隋王阿剌合懣孫天會十三年封蜀王正隆例降
金源郡王子古雲原作穀英官平章弟麻吉猛安諡
穀敏麻吉子沃側官西北招討使皆系出景祖按宗
室表尼楚赫宗室子中書令金源郡王子古雲上京
留守弟瑪奇銀青光祿大夫瑪奇子烏色西北招討
使至續通考所稱爲宗尹子阿剌合懣孫者同名尼
楚赫襲明安另一人阿剌合懣卽阿里罕爲景祖子
續通考誤汪輝祖金史同名錄云卷二太祖紀紀院
烈部阿竦族弟卷五十四選舉志大定七年宣徽院
同簽卷七十四文傳大定十三年南京路謀克卷八
十五鄭王永蹈傳本名卷九十二年克甯傳大定時札
也卷一百二僕散安貞傳興定時大名路判官卷一
百三紇石烈桓端傳兄謀克卷一百三獨吉氏傳
兄護衛十人同名銀朮可又穀英姪名阿等往索還
魯瓦與海陵伯母徒單氏傳郎君同名阿

言遼主驕肆廢弛之狀始謀伐之乃備衝要建城堡

修戎器遼人聞之使節度使尼格

原作捏哥

來問狀曰汝

等有異志乎太祖曰設險自守又何問哉復遣阿息

保來詰太祖曰我小國也事大國不敢廢禮大國德

澤不施而逋逃是主以此字小能無望乎若以阿蘇

與我請事朝貢苟不獲已豈能束手受制阿息保歸

遼始遣統軍蕭托卜嘉

原作撻不野攷異汪輝祖金史同名錄云太祖初遼副都

統當是一人又同時遼節度為韓魯殺收國二年高

永昌使人天輔四年遼上京留守後被誅均見太祖

紀卷三太宗天會二年遼詳穩卷六十六胡十門傳

父遼太尉卷七十六宗義傳海陵妃父即大吳本名

傳在卷八十七七人同調諸軍於甯江州

亦曰混同軍故城在

名撻不野亦作撻不也

今吉林烏喇北混同江東攷異洪皓松漠紀聞云甯
江州在冷山七十里地甚寒多草木如桃李之類皆
成圍至八月則倒置土中封土數尺季春出之否則
凍死每春冰始泮遼主必至其地鑿冰釣魚放弋爲
樂金起兵首破此州又云冷山去燕山三千里去金
都二百餘里去甯江州百七十里所載較詳高士奇
扈從日錄云額木赫索囉站東北二百餘里爲冷山
白必爾罕必喇北望相去約數十里積素凝寒高出
衆山上土人呼白山太祖聞之謂諸將佐曰遼人知
以其冬夏皆雪也

我將舉兵集軍備我我必先發制之無爲人制衆曰

善乃入告宣靖皇后攷異畢沅續通鑑云係頗以伐

遼事并禱皇天后土號令諸部使博勒和原作婆盧

語解云婆盧卽佛哩滿州語潔淨也今譯政本傳安

帝五代孫以伐遼功爲泰州都統從取燕京蕭妃遁

命與和索哩追之獲其統軍察刺宣徽扎拉并其家

族尋與實古納計平達喇守邊屢有功擢平章事贈

開府諡剛毅續通考云子婆速孫吾札忽宗室表婆
速一名博索官特進吾札忽一名烏哲庫呼爾哈節
度按博勒和之子尙有博碩孫尙有威泰表未列名
又同時有博勒和者羅索平陝西博勒和勝額監戰
後爲平陽尹徙慶陽另一人見本傳汪輝祖金史同
名錄云卷八世宗大定二十三年西京留守宗室大
定二十八人參政卷六十四顯宗孝
懿皇后傳后祖五人同名婆盧火等徵諸路兵并

撫諭各路係遼籍女直執遼障鷹官 秋九月進軍

甯江州次寥晦城會諸路軍於拉林水 攷異宋史作

松漠紀聞云自上京一百五十里至拉林河北盟會

編云第三十八程至拉林河三十九程至上京許亢

宗奉使行程錄云三十六程自呼勒希寨八十里至

拉林河明一統志云在會甯北出三萬衛境馬孟山

東流至黃龍府東又東南流入女真界又東北流入

混同江按拉林河在吉林城東北二百五十里源出

吉林東北之拉林山北得二千五百人傳挺誓衆進

流入混同江明志稍誤 金史已厚本 卷二 六

次唐古特旺結

原作唐括帶幹甲

之地有光如烈火起人足

及戈矛之上共以為兵祥抵遼界與戰大破之親射

殺其將耶律色實

原作謝十攷異通鑑輯覽作色錫

遼軍大奔相蹂

踐死者十七八

攷異朱翌猗覺寮雜記云次年契丹加兵女真女真衆裁萬人所居有灰

城以水沃其壁凝凍成冰距城三百里焚其積聚散居山林以待之契丹至則城不可攻野無所取遂退

兵為所襲殺國相薩哈在別路聞之使其子宗翰攷其衆紀未載

欽定曰下舊聞考作尼堪云滿州語漢人也舊作粘罕今譯改又心也即尼雅馬見國語解遼史作尼

雅滿宋史作粘沒喝來賀且勸進太祖曰一戰而勝

遂稱大號何示人淺也冬十月朔進克甯江州獲防

禦使大藥師努

攷異卷六十三海陵貴妃定哥傳小底同名藥師努通鑑輯覽作大約什

努陰縱之使招諭遼人鐵驪部來送款次拉林城以

俘獲賜諸將召渤海梁福額特埒攷異宏簡錄使招

諭其鄉人曰女直渤海本同一家我與師伐罪不濫

及無辜也使完顏羅索原作婁室攷異汪輝祖金史

大定二年小底卷六世宗紀大定八年議衛卷七世

宗紀大定十六年武器直長姓粘葛氏卷十五宣宗

紀興定三年鄧州元帥府提控卷十八哀宗紀天興

二年總帥卷八十五世宗子豫王永成本名卷八十

七志甯傳世宗時萬戶卷八十八良弼傳本名一大

婁室鷹揚都尉正大八年戰死一中婁室總帥一小

婁室元帥俱金亡後降宋被殺卷一百二十三楊沃衍傳貞

時權右都監姓蒲察氏卷一百二十三楊沃衍傳貞

補三年通遠節度

招撫係遼籍女直師還命諸路以

原作猛安攷異

三百戶為穆昆

原作克

十穆昆為明安

原作猛安攷異

國語解云猛安

卽密噶謀克卽墨克洪皓松漠紀聞云猛安夷言曰
盲安謀克卽毛毛可北盟會編云其職有忒母萬戶
萌眼萬戶毛毛可百人長蒲里偃牌子頭之稱宗室
皆謂之郎君按女真初時無徭役壯者悉爲兵平居
則漁畋射獵有警則下令徵之凡步騎之仗糗糧皆
自備焉部長曰孛堇行兵則稱猛安謀克猶千夫百
夫長也凡以衆降者以是官之亦見宋史續通考云
謀克之副曰蒲里衍卽富埒埒士卒之副從曰阿里
喜天會五年調燕雲八路民兵隸諸萬戶而萬戶亦
有專統漢軍者皇統三年置驍毅軍貞祐初籍任子
赴選監當官者爲軍興定三年置決勝軍又招集義
軍設都統等官元光二年詔籍陝西僑居官民爲軍
時備禦黃河簽閒居文武職事官充軍哀宗時選諸
路精兵直隸密院又置忠孝軍以石抹燕山奴蒲察
定住統之又立忠義軍皆燕趙亡命終不可用至禁
軍之制本於合扎謀克合扎猛安合扎者言親軍也
謂之侍衛親軍貞元遷都立侍衛親軍司以統之舊
有護駕軍海陵又設神勇軍正隆南伐選騎兵爲龍
驤軍步兵爲虎步軍以備宿衛五年罷親軍司付大
興府置左右驍衛所謂從駕軍也騎兵隸點檢司步

兵隸宣徽院大定初改防城軍爲武衛軍掌京師巡捕尋設上京守衛軍章宗又設威捷軍至郡國兵則太祖初設東京州縣猛安謀克如內制大定十五年遣蒲察兀虎等十人分行天下再定猛安謀克戶又有東北路部族弘軍及各部族軍皆置總管府及節度使以領之外有渤海軍奚軍漢軍中都永固軍西北分番屯戍軍西北永屯軍驅軍邊鋪軍三虞候順德軍諸路効節軍弩手軍射糧軍牢城軍史稱金初猛安謀克雜厠漢地聽與契丹漢人婚姻以相固結迨國勢既盛則罷遼東漢人渤海之襲猛安謀克者漸以兵柄歸其內族然樞院募軍兼採漢制伐宋之後參用漢人卒致猜忌日深自相戕賊忠孝等軍構難於內弘軍雜人召禍於外豈非自壞家法所致歟趙翼劄記云金初設明安穆民及得中原始置屯田軍凡女直奚契丹之人皆自本部徙居中州與百姓雜處計戶授甲仗自耕種春秋給衣出軍始給錢米世宗時不欲其與民雜處始令其衆自相保聚其土田與民田大牙相入者互易之遂爲永制嗣後諸軍戶多行不法不能屯種賃民代耕日益貧乏初以三百戶爲一穆昆十穆昆爲一明安至宣宗時

卷之二

則三十人爲一穆昆五穆昆爲一明安哀宗時又二

十五人爲一穆昆四穆昆爲一明安蓋末年愈耗減

矣當蒙古兵起種人往戰輒敗承安中主兵者謂種

人所給田少不足養身家故無鬬志請括民田之冒

稅者給之於是武夫悍卒強奪民田及貞祐南渡盜

賊羣起向之於是勢奪田者人視如仇皆死於鋒鏑之

下雖赤子不免見元遺山所作張萬公碑亦載完顏

懷德碑可見種人之安插河北諸郡者盡殲於宣宗

之時史均未載按大安三年七月奏猛安謀克戶口

之數猛安戶二百二十二口六十一萬五千六百二十四

謀克戶千八百七十八口六百一十五萬八千六百

三十綽哈原作酬斡攷異太祖紀斡古孛堇天輔四

大又見食貨志卷七十九字文虛中傳皇統等撫定

室人姓唐括氏另一人見元會汾金史攷證等撫定

成默原作水女直拜格攷異蒙古語令其停首長和

索哩攷異滿州語麴皮也以城降十一月奚鐵驪王

原作胡蘇魯今攷

和勒博

原作回
离保

以所部降

是月烏奇邁

原作吳
乞買薩

哈希卜蘇

原作習
不出

率官屬諸將勸進願以新歲元日

恭上尊號不許阿里罕

原作阿
里合德

普嘉努宗翰等進曰

今大功已建若不稱號無以繫天下心太祖曰吾將

思之

太祖收國元年春正月壬申朔羣臣上尊號是日卽

皇帝位帝曰遼以鑛鐵爲號取其堅然亦變壞惟金

不變不壞金之色白完顏部色尙白於是國號大金

攷異金志云太祖以國產大金及有金水源故稱大金北盟會編云以本土名阿祿阻爲國號女真語金

也紀建元收國時遼天慶五年也

攷異遼史於金稱
帝載在天慶七年

大金國志載在八年契丹國志同惟續綱目通鑑輯覽與金史合蓋載在政和五年也畢沅續通鑑云時鐵州楊朴說阿固達稱帝北盟會編載朴勸稱尊號之言甚詳大金國志云朴本渤海大族少第進士官校書郎降女真頗用事拜知樞密院內相國初制度皆出其手繫年要錄作楊璞史均未載三月辛未朔獵於寥晦城如北盟錄云女真善騎上下崖壁躡而推之得其潛伏之所以樺皮爲角見巧獸之蹤能聲呼鹿射之馬擴茅齋自敘云擴隨金主打圍自拉林河東行每旦金主於積雪中以一虎皮背風而坐諸將各取所佩箭一枝擲占遠近各隨所占左右上馬軍馬皆單行每騎相去五七步接行不絕兩頭相望常及一二十里候放圍盡金主上馬去後隊一二里立認旗以行兩翼騎兵視旗進趨凡野獸自內赴外者四圍得迫射外赴內者須主將先射凡圍如箕掌徐進約三四十里近可宿之處卽兩稍合圍漸促須臾作二三十匹野獸迸走或射或擊盡斃之取火炙唱騎散之宿處金主言我國中最夏五月庚午朔樂無如打圍其行軍布陣大概出此

避暑於近郊甲戌拜天射柳自是每歲三日以爲常

秋七月戊辰以弟烏奇邁爲安班貝勒國相薩哈

爲古倫貝勒希卜蘇爲愛滿阿買貝勒弟舍音原作

爲古倫貝勒攷異宋史云以吳乞買爲諸班勃極烈

作諸版李極烈糾官也猶中國言總管自五戶李極

烈推而上之以至萬戶李極烈皆自統兵通鑑輯覽

諸班作阿木班古倫作固倫按國語解云都勃極烈

總治官名猶漢云豕宰諸版即阿巴官之尊且貴者

國論即固魯尊禮優崇得自由者胡魯即庫喀爲統

領官穆賚即伊拉位第三阿買即阿馬治城邑者乙

室即額西迎迓官扎失哈守官署具爲陰陽官迭即

德特沈炳震廿一史四譜太祖朝宰輔首曰諸班勃

極烈爲之者太宗次曰國論忽魯勃極烈又次曰國

論勃極烈爲之者完顏撒改及完顏杲均見本紀

九月己卯黃龍見於空中癸巳以薩哈爲古倫烏赫

哩

原作忽魯

貝勒阿里罕爲古倫英實

原作乙室

貝勒

二年春正月戊子詔曰自破遼兵四方來降者衆宜

加優恤自今契丹奚漢渤海繫遼籍女直室韋達嚕

噶烏舍

原作兀惹

鐵驪諸部

攷異冊府元龜云唐開元二年鐵利鉢羯首領闕許离等

來朝後屢朝貢授中郎將其故地領廣汾等六州當渤海盛時號鐵利府入遼屢通貢使至天祚不絕迄於金世利與驪音同續通

考云不知其所始非也

官民已降或爲軍所俘獲

逃遯而還者勿以爲罪其酋長仍官之從宜居處二

月己巳詔曰比以歲凶庶民艱食多爲奴隸及犯法

徵償莫辦折身爲奴者或私約立限以人對贖過期

則爲奴者並聽贖 夏五月東京

遼史地理志云本朝鮮地遼建爲東

京號遼陽府轄州府軍城八十七統縣九攷異輿地
廣記云遼東春秋屬燕秦漢立遼東後爲公孫度所
據魏晉爲遼東郡慕容廆居之後魏爲高麗國都唐
李勣平之得城百七十六爲都督府九州四十二縣
儀鳳二年又徙新城開元二年徙平州復徙遼西故
郡城至德後廢領羈縻州十四日新城州遼城州哥
勿州建安州皆設都督府南蘇州木底州蓋牟州代
那州倉巖州磨米州積利州黎山州延建州安市州
續通考云遼東唐以前爲高句驪及渤海大氏所有
遼神冊四年葺遼陽故城以渤海俘戶置東平郡天
顯三年遼東丹國民居之升爲南京城曰天福幅員
三十里府曰遼陽統縣九遼陽仙鄉鶴野析木紫蒙
興遼肅興歸化金置遼陽府戶四萬六百領遼陽鶴
城宜豐石城四縣天會十年改南京路設都統軍司
以鎮高麗宜豐澄復蓋落貴德州廣甯府來遼軍並
屬焉澄州領臨漠析木二縣復州領永康化成二縣
貴德州領貴德奉集二縣來遼州大定中升爲軍後
改平詔除遼法省賦稅置明安穆昆如制 冬十二

月庚申朔烏奇邁及羣臣上尊號曰大聖皇帝改元

天輔攷異大金國志云是年北方寒甚裂膚墮指多有死者紀未載

天輔元年春正月開州遼史地理志云本滅貊地號開封府更名鎮國軍高麗為

慶州渤海為東京龍原府聖宗時更今名治開遼縣本高麗龍原縣統州三鹽州本渤海龍河郡穆州保

和軍本渤海會農郡治會農縣本渤海龍河郡穆州保賀州本渤海吉理府均隸開州叛瓜爾佳薩哈攷異宏簡

錄作加等討平之夏五月丁巳詔自收甯江州以

後同姓為婚者杖而離之秋七月戊申以完顏鄂

倫原作幹論攷異畢沅續通鑑作沃稜知東京事冬十二月宋使馬

政以國書來議和宋金之交自此始

二年春三月癸未朔咸州路遼置故城在今奉天府鐵嶺縣攷異渤海為銅

山部初號浩里太保城續通考云咸州漢屬樂浪郡唐初高麗置安東都護府遼滅渤海置咸州安東軍

領咸平縣金升為府領縣八平郭同都統烏楞古坐

山新興慶雲清安榮安歸仁玉山子官咸州軍帥以

事降穆昆原作幹魯古本傳宗室子官咸州軍帥以進配享太祖以閣格原作閻哥續通考云宗代之庚

廟廷諡莊襄以閣格原作閻哥續通考云宗代之庚

子命羅索為萬戶鎮黃龍府遼史地理志云本渤海扶餘府一名夫餘府太

祖平渤海還黃龍見更名保甯七年軍將燕夏六

廢叛府廢開泰九年遷城於所屬黃龍縣

月甲寅詔有司嚴禁民凌虐典雇良人及倍取贖直

者秋七月癸未詔曰博囉原作匹里水路完顏珠勒呼原作

九里古渤海大嘉努等六穆昆貧民昔嘗給官糧置之漁獵地今歷日已久不知登耗可具其數以聞復詔

達魯噶部貝勒色埒凡降附新民善為存撫來者令

從便安居給以官糧毋輒動擾九月戊子詔曰國書

詔令宜選善屬文者為之其令所在訪求博學雄才

之士敦遣赴闕 閏月庚戌朔九百奚部蕭寶伊遜

原作乙辛北部額里頁原作訛漢人王六兒王伯龍契丹

特默高從勗等各率眾來降以降將霍石韓慶和等

為千戶冬十月癸未以龍化州遼史地理志云本漢北安平縣地即龍庭

太祖於此降者張應古劉仲良為千戶漢人李孝功

渤海二哥率眾來降遼懿州在今廣甯縣境攷異續通考云遼太平三年越

國公主以媵臣戶置曰廣順軍清甯中進入改今名甯昌軍金初隸咸平府後屬北京領縣二順安靈山

節度使劉宏

攷異遼史屬國表作劉完

以戶三千降拜千戶

攷異孔敬

宗傳字仲先遼陽人爲甯昌劉宏幕官烏榜古兵至

境上勸宏迎降爲鄉導拔顯州授順安令奉詔與

宏率懿州民徙內地擢明安知安州事從宗望侵宋

汴京平宗望命敬宗守汴終歸德節度使所載較詳

川州在今廣甯縣境攷異續通考云本唐青州地遼

領縣三宏聖寇二萬已降復叛赫舍哩卓哩原作紇

威康宜民

里擊破之攷異畢沅續通鑑云是春正月楊朴言自

主遂遣使如遼使至遼值歲饑蕭奉先勸遼主許之

通鑑輯覽繫之元年稍異太祖紀未載蓋諱其事而

不青耳大金國志云二年春北方有赤色長二三丈

西方有火五團下行十餘丈皆不至城滅又是年楊

朴建議請正后位從之詔冊蒲察氏爲皇后今按國

志所書二年是三年蓋與史差一年恐誤紀均未書

三年春正月甲寅東京人爲質者永吉等五人結眾

叛事覺誅其首惡餘皆杖百籍其資產之半丙辰詔

拜格貝勒綽哈曰呼嚕古達巴噶原作迭八合二部先時

交惡今來迭款毋相侵擾夏五月壬戌詔咸州路都

統司曰兵興以前哈斯罕輝發原作同怕與係遼籍不係

遼籍女直戶民有犯罪流竄邊境或亡入遼者本皆

吾民遠在異境朕甚憫之今既議和當行理索可明

諭諸路徧訪其官稱名氏地理具錄以聞 秋八月

己丑頒希尹原作兀室攷異續綱目作谷神通鑑輯覽作固新所製女直字

四年夏四月乙未帝自將伐遼以遼和議無成命進

師令色克原作斜葛留兵一千鎮守棟摩原作國語解云釜也

卽西穆圖通鑑輯覽作多昂摩本傳世祖第九子太祖
異母弟初從幹魯平東京及克上京中京皆力戰
有功又攻西京先登克之平南京殺張敦固從侵宋
師還拜右都監從宗輔定山東封魯王配享太廟廟
廷諡莊襄子宗敘本名德壽官參政爲世宗重配享
廟廷按完顏安國傳本名閼母傳在卷九十四章宗
時樞副道國公另一人以餘兵來會於渾河在今奉
見元會汾金史攷證
德縣南流至海城縣入遼卽小遼水也攷異漢書地
理志云高句驪遼山遼水所出西南至遼陽入大遼
水系欽水經云元菟高句驪縣有遼山小遼水所出
西南至遼陽入於大遼水酈道元水經注云小遼水
出遼山西南經遼陽縣與大梁水會又東南逕襄平
縣爲淡淵入大梁水卽太子河也元一統志渾河源
出廢貴德州境珣呼瑪山續通考云源出塞外西南
流至瀋陽衛合沙河又西南流至都司城西北入太
子河太子河卽東梁河源出幹羅山西流五百里至
遼東都司城東北五里折而西南流至渾河合爲小
口會遼河入海按渾河源出長白山納哈窩集遼東
行部誌云呼圖克漢言渾河也哈達漢言山也達巴

罕漢言嶺也桑阿漢言城也布拉克漢語煖泉也奎
漢言清河也雅塔喇庫漢言火鑪也和勒端漢言松
也茂摩囉漢言水孟子也

秋九月矩威原作水部

博囉和屯漢言范河也

錫勒哈達原作實

等殺貝勒綽哈布古得

原作僕

以

叛

改異幹魯傳綽哈宗室子魁偉善戰年十五隸軍

部

拜穆昆布古德初事薩哈從討蕭哈里降矩威水

部

領行軍千戶從破黃龍府戰達嚕噶城皆有功其

破

甯江州渤海伊實布叛追獲之至是同被害天顯

中

皆贈官按忠義傳綽哈贈奉國上將軍布古德贈

昭

義大將軍軍繫死事

於

五年九月又異

宗

初伐沃赫拔其城高麗築九城於海蘭甸幹魯亦

築

城與抗克東京拜南京都統從征遼屢有功太祖

疾

亟命爲德特貝勒守雲中及宗翰侵宋遂代行兩

路都統事封鄭國王配享太祖廟廷子薩巴光祿大

夫汪輝祖金史同名錄云卷六十五傳始龍子見世

紀卷七十二完顏仲傳仲兄統軍卷四十四兵志興

定五年京南行三司分呼古烏春攷異汪輝祖金史
烏春而卷一世紀世祖時叛人傳在卷之兵以討之
六十七溫都部人同名烏春亦作烏養
攷異大金國志云四年三月始於渤海遼陽等州推
箕庫歲課謂重商人疑惑不恤也是春日有眚忽青
黑無光洵洵若動但所書四年是五年辨見上史均
未載毛子廉傳是年率戶二千四百自臨潢來降按
子廉本名巴克實太祖紀天輔六年漢人毛巴克實
來降一作八十卷七十三宗道傳本名官臨洮知府
人另

五年春正月幹魯敗錫勒哈達於哈達拉山誅首惡
國人餘悉撫定夏五月遼都統耶律伊都等詣咸
州降閏月辛巳古倫烏赫哩貝勒薩哈卒六月庚
子詔安班貝勒烏奇邁貳國政以溫貝勒舍音爲烏

赫哩貝勒普嘉努為溫貝勒宗翰為伊拉齊

原作移賁齊

貝勒

攷異宏簡錄云斜也為忽魯勃極烈為統領官果為吳勃極烈為陰陽之官宗翰為移賁勃極

烈按國語解吳宜秋七月庚辰詔咸州都統司曰自作是宏簡錄恐誤

伊都來灼見遼國事宜已決議親征其治軍以俟師

期會連雨乃罷命溫貝勒昱為都統宗翰副之帥師

而西 冬十一月辛丑以杲為內外諸軍都統以昱

宗翰宗幹

原作幹本金主庶長子宗望

原作幹離不攷異一作幹

里雅布通鑑輯覽作幹喇布張樞節要作沃宗盤

原作

哩布滿州語使留也舊作幹離不今譯改

等副之率師伐遼

攷異大金國志云五年五月金

鞞覽作博勒郭用楊朴議始台祭天地於南北郊及禘享太

廟頒賜有差所書五年亦是六年史未載

六年春三月遼秦晉國王稱帝於燕

遼史云係興宗第四孫宋魏王

和羅噶子時守燕京會天祚入夾山宰相李處溫勸之稱尊號未幾卒偽諡宣宗章帝

夏四

月植摩羅索招降天德

詳卷三

等州獲阿蘇而還

六

月戊子朔帝自將伐遼發自上京

攷異史稱上京路海古勒之地金舊

土地初稱爲內地天會二年號所築新城爲會平州天眷元年號上京海陵遷燕削上京之號止稱會甯

府大定十三年復爲上京府一領節鎮四防禦一縣六鎮一其宮室有乾元殿慶元宮朝殿涼殿行宮有

天門殿約羅春水之地有混同江行宮興聖宮永祚宮光興宮有皇武殿雲錦亭臨濤亭按海古勒之地

阿勒楚喀舊作按出虎今改正攷詳卷一命安班貝勒

烏奇邁監國辛亥詔諭上京官民曰朕順天弔伐已

定三京但以遼主未獲兵不能已今者親征欲由上

京路進恐撫定新民驚疑失業已出自登穆魯原作篤密

呂其先降後叛逃入險阻者詔後出首悉免其罪若

猶拒命孥戮無赦是月耶律聶哱卒幹魯羅索敗

夏人於野谷攷異薛應旂通鑑云夏將李良輔將兵三萬救遼金婁宿幹魯敗之於宣水追至野谷澗水暴至夏人漂沒者無數續綱目宣水作宜水趙良嗣燕雲奉使錄作八月事所載較本紀為詳

秋七月甲子詔諸將無得遠迎以廢軍務丙寅以

額特哱招降者衆命領八千戶以呼遜原作忽薛領之王

午希尹以阿蘇見杖而釋之本傳錫磬水赫舍哩部人初起兵以索阿蘇為

辭至是被獲軍士問之曰九月乙丑詔六部奚攷

爾為誰曰我破遼鬼也

歐陽修五代史云五部奚一阿蒼二啜米三粵質四

怒皆五黑紇支王溥五代會要啜米作啜末粵質作

奧賀怒皆作奴皆黑紇支作黑訖支薛居正五代史
云奚之先爲匈奴破保烏丸山分五姓皆有辱紇主
以領之續通考云奚種在金時有遙里氏伯德氏奧
里氏梅智氏揣氏按史稱庫莫奚歷元魏周隋唐皆
兵強後契丹破之西保隆科留者臣契丹號東西奚
有五世族與契丹世爲婚姻附姓舒嚕凡十三部二
十八落一百一帳六
十二族所載各異
曰汝等既降復叛扇誘衆心罪

在不赦尙以歸附曰淺恐綏懷之道有所未孚故復
令招諭若能速降當釋其罪官皆仍舊冬十月丙戌
朔次奉聖州詔曰朕屢赦將臣安輯懷附無或侵擾
然愚民尙多逃匿山林卽欲加兵深所不忍今其逃
散人民罪無輕重咸與矜免率衆歸附授以世官或
奴婢先其主降並釋爲民其布告之使諭朕意十二

月帝親撫定南京地遼建為南京號析天津府統州六

縣十一金號為中都路號大興府天會七年析河北

為東西路時屬河北東路貞元二年更今名縣十大

興宛平安次瀋陰永清寶坻香河昌平武清良鄉見

地理志與地廣記云幽州召公奭赴燕都此秦為上

谷郡漢初分立燕國後為廣陽郡東漢併入上谷後

漢兼立幽州前燕慕容儁都之元魏號幽州及燕郡

周改涿郡唐為幽州後為范陽郡升盧龍軍縣九蔣

一葵長安客話云順天府附郭二縣東曰大興西曰

宛平府境南為固安霸州北為昌平東為通州三河

香河玉田西為良鄉房山東北為薊州東南為武清

西南為涿州固安之東為懷柔密雲通州之北為順

定文安大城昌平之東為懷柔密雲通州之北為順

義南為滌縣東南為寶坻薊州之北為平谷東為豐

潤東北為遵化國初設布政使司改府曰北平永樂

中以北平為行在所改府曰順天府署在地安門外

鼓樓東朱彝尊曰下舊聞云大興本秦薊縣地漢為

廣陽國遼改為析津金天德五年改為大興縣縣治

在北城教忠坊宛平縣唐析西界置名幽都縣遼改

爲宛平今因之縣治在積慶坊安次縣元改爲東安
州明初降爲東安縣張文舉東安縣志云桃水首受
涿水分東至安次入河見漢志省柳宮在縣南遼會
同中建遼中丞韓澤墓在縣西北更生村又長慶宮
舊在廣平淀金天會三年移安次南五十里東接巴
納南通番漢有大石橋以受諸國禮清類天文分野
之書遼時延芳淀在灤縣西又縣南有崔氏園亭四鄉
故遼時延芳淀在灤縣西又縣南有崔氏園亭四鄉
學論崔禮因金亡隱此爲名人游觀地見寰宇通志
明一統志云永清唐縣宋爲霸州治後併入文安金
復置在府南五十里方輿紀要云寶坻漢泉州縣地
後漢置鹽倉金初爲新倉鎮大定十年所建舍利塔
覺寺西縣志云城內有金失定十年所建舍利塔
日下舊聞考謂遼大安間建又城中有石幢七級雕
刻工巧金皇統中建俗傳下有海眼見長安客話潛
河圖志云香河在漕河東八里日本武清縣之孫村遼
置縣東南濱水菱荷香馥因名日本武清縣之孫村遼
縣東魏爲東燕州後唐改燕平縣晉復舊遼屬析津
府金屬大興府元好問中州集載蔡松年宿昌平詩
日燕塵都送入關山自斷何如二頃田記得鳴蜩碧

金史紀事本末卷二

六

三

花句蹉跎秋思又三年按昌平州有天壽山明十三陵均在焉武清本漢雍奴縣在通州東南九十程錄云趙德鈞鎮幽州於鹽溝置良鄉縣遼屬析津府金屬大興府趙溫良鄉縣學詩云儒官宜地僻竟日有餘清殿古碑仍在庭空草自生風高時落木雲重欲摧城容興已瀟洒秋空更雨聲按碑指李北海雲麾將軍碑碑有二一為李思訓在陝西一為范陽李秀在良鄉學宮官同姓同趙顒石墨鏤華以為一碑且以此碑為松雪所臨誤見孫承澤春明夢餘錄黃龍府叛宗輔討平之攻異大金國志云六年春陞其遼之上京改為北京先是初無城郭祇呼皇帝寨國相寨太子莊至是改焉置三省六部尹貳曹屬本紀未載但所書六年作七年楊循吉金小史云太祖詰達有大度知人善任與下同甘苦稱帝時臣下前跪奏事輒止之京城宮室無異州縣廨舍儀衛護衛祇類中州守令在內庭或遇雨雪雖后妃亦去鞵履而行焉紀未載

七年春正月丁巳遼奚王和勒博原作回僭稱帝尋

殺執天復建官屬命都統瑪格討之為郭藥師所敗元

一軍離心其黨阿古齊甥伊實巴沁等殺之本傳作

阿固齊及甥巴錦家奴伯特赫等所殺其妻阿古自

到死汪輝祖金史同名錄云卷六十三壽甯縣主傳

海陵時官人卷七十四文傳大定十三年南京路猛

步卷九章宗紀大定二十四年侍四人同名阿古

通鑑輯覽云和勒博即蕭幹續綱目誤分爲二人非

是蕭旺嘉努傳奚人居奎騰河爲遼率府率降都統

果從征和勒博親黨徹底阿固齊擒之於色克山降

其餘衆後從南伐屢甲申詔曰諸州部族歸附日淺

有功率官招討都監

民心未甯今農事將興可遣分諭典兵之官無縱軍

士動擾人民以廢農桑攻異績通考云金之田制量

步長二百四十步爲畝百畝爲頃民田業各從其便

賣質與人無禁但令隨地輪租凡桑棗民戶以多植

金史記事本末卷二 七

爲勤少者必植其地十之三猛安謀克戶少者必課
種其地十之一除枯補新使之不缺凡講射荒地者
以第七等城半爲稅七年始徵之自首比隣者輸官
租三分之二佃黃河退灘者次年納租其租稅法官
地輸租私田輸稅取三合秋稅畝取五升又納秸一
而差次之夏稅畝取三合秋稅畝取五升又納秸一
束束十有五斤夏稅六月止八月秋稅十月止十二
月爲初中末三限州三百里外紆其期一月墓田學
宮租稅皆免民愬水旱如限者免限外愬者不理非
時之災則無限損十之八者全免七分免所傷之數
六分則全徵桑被災不能蠶者免絲綿絹稅諸路雨
雪及收穫之數月申戶部二月壬辰詔安班貝勒曰前後起遷戶
民去鄉未久豈無懷土之心可令所在有司深加存
恤毋輒有騷動衣食不足者官發貸之癸巳詔曰頃
因兵事未息諸路關津絕其往來自今顯威東京等

路往來聽從其便

改異北盟錄云遼道路無旅店行

其市易惟以物博易無錢無蠶桑無工匠屋舍車帳往往自能爲之俗重油煮麪食以蜜塗并名曰茶食非厚意不設寢榻皆土牀厚鋪毡其間被擄及鬻身

者並許自贖爲良乙巳詔都統杲曰新附之民有材

能者可錄用之癸丑大赦夏四月癸巳詔曰自今軍

事若皆申覆不無留滯應此路事務申都統司餘皆

取決樞密院

五月己巳次拉林

原作落黎

樂奚路都統

達蘭

原作捷懶

攻蘇庫

原作連古

卓琳

原作爨里

托紐

原作鐵尼

所部十

三巖皆平之奚人以次附屬置明安穆昆領之又遣

奚馬和尙攻薩必

原作下品

達嚕噶并五院司諸部執其

節度伊里攷異遼史天祚紀是年五月梁王雅里奔西北部稱帝紀未載六月丙

辰帝不豫將還上京遼史地理志云本漢遼東西安平地遼建為上京號臨潢府統

軍州二十五縣十命宗翰為都統溫貝勒昱德特貝勒幹魯

駐兵雲中以備邊己酉次諤都原作幹獨山命驛召安班

貝勒烏奇邁八月乙未次渾河烏奇邁上謁戊申帝

崩於布圖原作部灤西行宮攷異繫年要錄云五月乙丑太祖卒於白水灤大金

國志云金主自入燕所攜中原士大夫家姝姬麗色光美娟秀凡二三千人北歸酣歌宴樂惟知聲色之

娛至此形神已病未幾遂殂宋史繫之五月遼年五史又繫之保大四年八月均與史異今從本紀年五

十六九月癸丑梓宮至上京乙卯葬於宮城西南之

甯神殿天會三年追諡武元皇帝攷異禮志云應乾興運昭德定功睿

神章孝仁明大廟號太祖尋改葬和陵復改葬大房

聖武元皇帝攷異通鑑輯覽云葬於海呼城西苗耀神

山號睿陵麓記云太祖至燕京入內見大殿動搖出

城東柴村建寨不旬日病殂以白礬大鹽酸歸阿觸

胡御案葬焉後遷於墳山號泰陵續通考云后唐括

氏諡聖穆裴滿氏諡光懿紇石烈氏諡欽憲烏古論

氏諡宣獻見諡法考宗室表太祖子十六人宗幹本

名幹布太師遼王宗望即幹南不右副元帥宋王宗

弼即兀朮太師梁王烏里原作烏烈豐王宗傑本名

穆里延趙王宗隲本名額爾袞太保亮王額魯原作

訛魯滿王鄂爾多原作訛魯朶幽王宗強本名阿魯

衛王宗敏本名阿里布曹王實訥埒紀王甯吉息王

燕孫莒王幹渾鄂王與景宣帝宗峻睿宗宗輔共十

六人按卷三太宗紀天會三年保州路都李

堇與豐王同名烏烈見汪輝祖金史同名錄

金史紀事本末卷二